



PAMFLET


790







**Cozte verthoninghe**  
van het Recht byden Ridderſchap Ee-  
delen / ende Steden van Hollandt ende  
Westvrieſlant van allen ouden tijden in  
den voorszreuen Lande ghebruyckt / tot  
behoudenisse vande vyheden / gherech-  
ticheden / Priuilegien ende Loffelic-  
ke ghebruycken vanden sel-  
uen Lande.



Tot Rotterdam  
By Dierck Hullem.





**Corte verthoninge van het Recht byden Rid-**  
 derschap, Eedelen ende Steden van Hollandt ende  
 Westvriesslant van allen ouden tyden inden voorschre-  
 uen Lande gebruyckt, tot behoudenisse vande vryhe-  
 den, gerechticheden, Priuilegien ende Loffelijcke ge-  
 bruycken vanden seluen Lande.



**E** Ridder-

schap / Eedelen ende  
 Steden van Hollandt ende  
 Westvriesslant / Representeren-  
 de den Staten vanden seluen  
 Lande wel ende Rijpelicken/  
 naer voorgaende communi-  
 catie / deliberatie en Rapport/  
 onder den Eedelen ende inde

Voetschappen vande Steden gehouden ende gedaen op-  
 den Tegenwoordigen staet deser Landen. Hebben volgen-  
 de haeren Eedt ende plicht noodich geacht den wettighen  
 staet der Landen van Hollant ende Westvriesslant by de-  
 sen te openen / op vast betrouwen dat een iegelijck die de-  
 sen sal sien daer van sal oordelen so onpartijdelijcken ende  
 breedtsamelijcken / als den bedrouffden staet deser Landen  
 is berepshende.

Het is kennelijck dat de Landen van Hollant met West-  
 vriesslant ende Zeelant zijn tzedert den tijdt van **1573**.  
 Taren herwaerts gheregiert ende bericht geweest by Gra-  
 uen ende Grauinnen / den welcken byden Ridder-  
 schap / Eedelen en Steden Representerende de Staten vanden  
 seluen Lande / de Heerschappije ende de Souuerainiteyt  
 der seluer Landen wettelijck is opghedragen ende ghede-  
 fereert gheweest / die oock niet sulcke discretie ende matie-

A ij

hepdt



heyt hen ghebragen hebben in haere Regteringhe/ dat de selue noyt hebben gedisponeert van oorloge aen te nemen ofte Waps te maecten / schattinghe oft contributien ouer den Landen te heffen/ ofte van eenighe andere saecken den Staedt vanden Lande betreffende (hoe wel de selue noch tans van goeden Raet vanden Edelen ende Ingeboorenen vanden Lande ordinarie waren versien) sonder aduys ende consent vanden Edelen ende Steden vanden Lande/ die telcken daer op werden beschreuen ende verghaderd / ende hebben bouen de boorszcreuen Raet d'Edelen ende Steden vanden Lande tallen tijden ende in alle saecken ghegeuen fauorable audientie/ volcomen ghelooft/ ende de ghoede Resolutie/ op alle tghene de selue Immermeer hadden te verthonen/ den staet ende welvaeren vanden Lande eenichsins betreffende.

Twelck als gheweest zijnde een gansch wettighe Regteringhe so seer als opt eenige andere is beuonden. Heeft voortgebracht vruchten die merckelijck / ende sonderlinge tot eere ende Reputatie vanden boorszcreuen Grauen / Mitsgaders welbaert der boorszcreuen Landen ende van de inghesetenen der seluer hebben ghestreckt/ als bouen alle anderen/ dat de Grauen van Hollant/ Zeelant en Vrieslant op de heerschappije van so cleyn begrip / sijn geweest by alle Princen ende Potentaten vant Christenrijck niet alleen in sonderlinghe respekt / eere ende Reputatie / als blijkt byde hoge alliantien van houwelijcken die sy hebben gemaect by nae met alle de machtichste Coninghen ende Potentaten van Christenrijck / ende dat inden Jare Rij. Elvij. Coninc Willem de tweede van dien name is gecoren gheweest Roomsche Keeser / maer oock dat de selue by nae altydt sijn gheweest victorieus ouer hare vyanden/ de palen vande selue Landen seckerlijck teghen alle haere Vyanden / hoe machtich die waeren/ hebben beschermpt/ waer deur de selue niet wepnich sijn gherespecteert ende ontfien



ontstien gheweest by hare naghebueren / inmiens moegen  
wy mette waerheyt seggen / dat den staet der Landen van  
Hollandt ende Zeelandt binnen den tijt van achtthonderet  
Jaeren noyt metten swaerde en is geconquesteert oft ton-  
derghebrocht gheweest / noch by buytcheemische / noch by  
Inlantsche oorlooghen / twelck wy niet en weten oft van  
eenighe andere rijcken / (ten waere bande Republijcke van  
Veneghien) teghenwoordelijck souden moeghen worden  
gheseyt / sonder datmen hier van eenighe andere Redenen  
soude connen geuen / dan dat altijt goede eendracht / liefde  
ende verstant is gheweest tusschen den Princen ende Sta-  
ten vanden selue Lande / dewyle doch den Princen (die by  
hen seluen geen macht en hadden) sonder den Eddelen en-  
de Steden vanden Lande gansch niet en vermochten / als  
ordinare geen middelen hebbende dan het incommen van  
de Domeynen / tot verballinge vande costen haerder hof-  
houdinghe ende betalinghe vande ordinaris officiers.

Men bevindt oock wat Authoziteydt den Staten van  
den seluen Lande hebben ghehad / omme den Princen  
(als sy deur quaden raet waren tot naedele vanden Lan-  
de misleet) te brengen tot recht ende redelijckheyt / niet  
alleen met remonstrantien ende versoucken / maer ooc als  
hier op niet en werde behoorlijck versien / inetter daet pro-  
cederende oock strengelijck tot straffe vanden geenen die  
der Princen authoziteydt hadden mislept / mishandelt ofte  
onbehoorlijck misbruyckt / ghelijck daer van d'exempelen  
sijn veel ende menichfuldich.

Oock mede beuintmen claerlijck dat der Staten van  
de voorszreuen Landen officie is gheweest / den minder-  
iaerighen Princen te voorszien van wettighe boochden /  
Mombours ende Gardenobels / gelijck oock is gheschiet  
aen Graue Willem de vijffte vanden name tot cranchsin-  
nicheydt ghecomen sijnde.



Eyntelijck is bypten twyffele dat de administratie vande  
Souverainiteyt vande Landen t'allen tijden wettelijck is  
aenghenomen gheweest byden Staten der seluer/ so wan-  
neer deur aflinicheyt/minder-iaericheyt/crancksinicheit/  
misverstant oft eenige andere inconuenienten de Landen  
verlaeten sijn gheweest vande wettelijcke bedieninghe der  
Princen die ouer sulcks dickmaels een Hooft hebben ghe-  
cozen/diemen voocht oft ruwaert noemde. Twelck oock  
noch sulcks is gheobserueert gheweest ten tijde vanden  
huyse van Bourgongien / als na t'ouerlijden van Hertog-  
ge Caerle ende Hartoginne Marie sijn dochter/ ten welc-  
ken tijde Hartoghe Maximiliaen willende niet gheweldt  
contrarpe inueueren tegen die authoriteyt vanden Sta-  
ten/ den gheheelen staet vanden Lande bracht int wterste  
ghebaer ende perijckel ende Keyser Kaerle selue is geduy-  
rende syne minder-iaericheydt deur d'authoriteydt vanden  
Staten versien van voochden ende t'lant van behoorlijc-  
ke Regierders / die altijt de Staten vanden Lande (hoe  
wel in veele saecken de bypheyte geduyrende de Heerschap-  
pije vanden huyse van Bourgongien seer is vermindert)  
grootelijck heeft gherespecteert/als lichtelijck bemercken-  
de sijn staet deur gheen ander middel verseeckert te conuen-  
wesen/ heeft ouer sulcks synen Soone den Coninck van  
Spangien niet verscheyden vermannighen tot ghelijcke  
consideratie ende discretie ghesocht te beweghen / niet ex-  
presse verclaringhe/ dat hy synen staet soude sien in perijc-  
kele / soo haest als hy de Staten van desen Landen soude  
hebben in cleynachtinghe / ghelijck hy oock metter daet  
bevindt grootelijck tot syne ende der Landen schade/son-  
der datmen den oorspronck deser oorloge ander oorsaek  
souden conuen gheuen/watmen daer van discoureert/dan  
dat hy dese Landen niet ghewelt van Spaensch ende an-  
der wttheemisch Crijchvolck heeft willen dwingen te doen  
tghene spluyden Staetsghewyse/niet en hebben goet ghe-  
vonden in saecken betreffende den staet vanden Lande.

Alle



Alle welcke hoewel wy secker achten ghenoech bun-  
ten dispute te wesen/ hebben nochtans noodich bevonden  
hier te verhalen/ ouermidts veele personen hier van seer  
onseckerlijck ende verschedelijck gheboelen/ de vergade-  
ringhe vanden Staten anders niet Respecterende/ dan na  
dat hen ghoetdunckt de qualiteydt vande personen opde  
vergaderinghen comparerende te meriteren/ ende van alle  
saecten die aldaer worden gehandelt/ oordeelende in allen  
schyn of die voorschreuen personen die wten Eedelen en-  
de byden Steden worden ghedeputeert opde vergaderin-  
ghe vanden Staten/ hen seluen waren draghende als syn-  
de de Staten/ ende ouer sulcks als hebbende de Soue-  
rainiteyt ende hoochste macht vanden Lande/ naer haren  
welgheballe van alle saecten/ den staet vanden Lande be-  
treffende waren disponerende/ retorquerende ouer sulcks  
alle de handelighen der seluer tot haren perticuliere laste/  
haet ende nijt/ maer de gheene die naerder insiet tgene voo-  
ren verhaelt is/ ende andere groote saecten byden Princen  
vanden Lande met hulpe vanden Staten te weghe ghe-  
brocht/ ende insonderheyt tgene tzedert den tijdt van vijf-  
tien Jaren herwaerts inden Landen van Hollandt met  
Westvrieslandt ende Zeelant is ghepasseert/ can lichtelijck  
bemercken/ dat d'authoziteyt vanden Staten niet en be-  
staet/ int beleyt/ authoziteydt ofte macht van XXX oft XL/  
personen min ofte meer/ die op haer vergaderinghen sijn  
comparerende/ ende de Aghenten vanden Coninck van  
Spangien selfs/ die met dusdanighe argumenten teghen  
onse saecten altijdt hebben ghemineert/ ende ghesocht te  
brenghen in cleynachtighe d'authoziteyt vanden Staten/  
hebben metter daet nu wel bevonden/ hoe grootelijck sijn  
alsulcken opinie sijn gheabuseert ende misseyt gheweest.

Omme dan te ontdecken waer tot de authoziteydt van-  
den Staten is spruytende/ soo staet te considereren dat de  
Princen die opt wettelijcken hebben geregiert/ niet alleen  
hare



hare regieringe met delatie/ consent ende belieuen banden  
Lantsaten hebben begonnen/maer oock sulcks verbolcht  
dat alle de leden bande Lichamen/daer van sy tot hooft  
syn gestelt /zijn gebleuen ongebioleert/onbercozt ende on-  
vermindert/ d'welck niet en heeft connen worden verhaelt  
(dewyle de Princen by schalcke ende ambitieuze luyden  
Lichtelijck worden ghecircummeiert) ten ware de Lant-  
saten middel hadden om hem met goede ordze ende belept  
t allen tyden tegen alle quade practijcken te opposeren/en-  
de de Prince bande behoudenisse haerder vrijheydt ende  
welbaren / wten name van alle de leden niet alleen t allen  
tijden te vermanen/maer oock om so wanneer de selue hen  
tot tjrannie souden laten misleyden / niette middelen van  
den Lande hen daer teghens t'opposeren / tot desen eynde  
sijn de Lantsaten vanden voorszreuen Landen ghedeelt  
in tweederley Staten / te weten / d'Edelen ende Steden.

Edelen worden ghehouden boor een lide ten opsiene  
bande digniteydt haerder affcompsten/ (die sonder beroes-  
men wel sulcke es/ende soo oudt als men in eenighe andere  
Landen soude binden) ende bande Heerlijkheden die de  
selue binnen dese Landen sijn besittende/van welke heers-  
lijkheden sy luyden meest al hebben ende gebruycken ho-  
ghe middelen ende laghe iurisdictionen/de welke op alle oc-  
currentien met malsanderen delibereren op den Staedt  
vanden Lande/ ende ter vergaderinge comparerende/ad-  
viseren op alles neffens de Gedeputeerde vanden Steden.

De Steden hebben meest al een form van regieringe/te  
weten een Collegie van Radē ofte Droetschappen/gecon-  
stitueert synde bande notabelste wten middē bande gant-  
sche burgerie/dese sijn in sommige Steden van XL/ In an-  
dere van XXXI/ In andere van XXXII/ XXXIII/ XXXIV/  
ofte XX personen/ende sijn de Collegien bande  
selue so oudt als de Steden/ofte immers dat geen Mem-  
ris



rie en is van haere beginselt/ de personen verdis bestooren  
synde/ dienen haer leuen oft Doorterschap lange ghedup-  
rende/ in plaetse vanden ghenen die steruen/ oft haer Door-  
terschappen verlaten/ worden by t' selue Collegie tot haren  
ghelieuen gekozen / andere personen wt t'middel der Bur-  
geren tot verbullinge van t' getal. By dese Collegien alleen  
is de macht omme te adijferen/ Resolueren en disponieren  
van alle saecken concernerende den staet vanden Lande  
en der Stede respectiue: Ende wat t' selue Collegie adij-  
feert/ Resolueert ende disponeert/ wert by de ganse bur-  
gerie ghevolcht/ daer teghen noyt eenighe inbreck ofte op-  
positie vande burgheren is gheballen.

By dese Collegien worden Jaerlijcks ghekozen de ordi-  
narise Magistraten/ te weten/ vier/ dype ofte twee Bur-  
gemeesters/ ende seuen ofte meer Schepenen/ omme te die-  
nen vooreen Jaer/ in sommighe Steden gheschieden dese  
election absoluteelijck/ inde sommighe by nominatie van  
dobbelt ghetal/ daer wt byden Stathouder de verkiefsinge  
van t' ghewoonlijck ghetal wert ghedaen.

Der Burghermeeesters officie is bevolen het ordinaris  
beleyt ende gebiet in alle politijcque saecken/ so wel de ad-  
ministratie van Statfgoederen ende inuicommunen/ als den  
welstant ende bewaringhe der Steden betreffende.

De Collegien vande Schepenen vaceeren ordinarie tot  
d' administratie vande Justicie / soo in alle Criminele als  
Ciuile saecken / ende hebben ende exerceren alle hooghe  
middelle / ende laghe Jurisdictionen.

By dese Collegien van Magistraten worden absolute-  
lijck vericht de Regieringhe der Steden van Hollandt/  
Westvrieslandt ende Zeelandt/ meest al ghenoech op eenen  
voet/ sonder dat de Princen vanden Landen hen de Regie-  
ringhe

B

ringhe



vingen banden. Steden enichsins hebben onderwonden  
 anders dan int stellen van eenen officier die op heuren na-  
 me de Justitie heeft gebordert. Dit is int tozte de waerach-  
 tige gheleghenheyt vande Regieringhe der Steden van  
 Hollandt ende Zeelandt. *Wij ordnen*  
*in alle ingello 2 sja 148. In 1597 na 2 april 1597 101 1597*  
 1597. *Wijer* Wt gecte bestaen is dat dese Collegien vande  
 Magistraten ende Raden vanden Steden gheuecht by  
 de vergaderinge vanden Edelen / ontwijffelijcken repre-  
 senteren den ghantschen staet ende t'gheheele Vichaem  
 vande Landtsaten / ende en can niet bedacht werden een-  
 ghe forme van Regieringe / die niet seckerder kennisse van  
 alle gheleghentheden vanden Lande soude connen Resol-  
 ueren / ofte hare Resolutien niet meerder eenpacht / au-  
 toriteit / ofte gebolch soude connen executeren. ouer sulcx  
 en is niet te verwonderen dat den Staet deser Landen is  
 gewest onberanderlijc en so geduyrich als eenich staet ter  
 Werlt soude mogen wesen. Ommeinde Collegien van  
 den Edelen ende Steden te brengen in eenre vergaderinge /  
 en can niet geschieden dan by Gedeputeerde vande selue /  
 ouer sulcx als omme eenighe merckelijcke saken te beraet-  
 stagen / van noode is de selue te vergaderen / so worden die  
 beschreuen niet insertie vande principaelste poincen die  
 byden Collegien in deliberatie ghelept ende daer by gere-  
 solueert sijnde / worden afghesonden als sulcke ghecommit-  
 teerde / als sy betrouwen / en niet als sulcken last ende Reso-  
 lutie als sy beuinden ten dienste vanden Lande te beho-  
 ren. Edelen compareren in competenten ghetale / ende de  
 Steden seyn den een Burgermeester niet eenighe Raden / al  
 tot sulcken ghetale / als sy linden goet vanden maede. Inpor-  
 tantie vander saecken / ende bouen dien sijn de gecomit-  
 teerde geduyrendet oorloge / onermits de menichsuldich-  
 heit vanden occurrentien alijt generalijck gelast gewest /  
 omme alle saecken de welbaert ende consernatie vanden  
 staet vande Lande betreffende te adviseren ende Resolue-  
 ren /



ren/ sulcks slypden ten meerste vnsenst vanden Lande be-  
binden te behooren/ ende besonder omme de rechten/ vry-  
heden ende Preuilegien vanden Lande te maincreneren/  
ende alle inbrecken te weren ende wederstaen/ Ende dese  
ghecommitteerde alsulcks byden anderen vergaderende/  
Representeren de Staten vanden selue Lande/ niet dat sy  
hyden in hare personen/ oft wt hare authoritende de Sta-  
ten sijn/ maer alleen tot crachte vande commissie van hare  
principalen / sonder dat te presumeren staet/ dat niemant  
sich seluen tot ambitie soude aduancheren tot dese Com-  
missien/ want bouen dien de natuere van desen Volcke een  
affkeer is hebbende van alsulcke ambitie/ ende Wyandt is  
van alle ambitieusen/ so en staet t selue niet te presumeren  
in so vrye electie/ ende veel min dat niemant in dese te ghe-  
spoet/ die Godt almachtich den Landen ghelieft te ouer-  
seyn den/ soude begerich wesen/ omme die saecken vanden  
Lande te handelen/ daer niet dan swaricheyt is in te sien/  
niet dan Wyantschap ende misgunst vanden byanden on-  
ser saecken (die oock de gequalificeerde ende vele ghetrou-  
we personen niet valsche aengheuen abuserende/ dickwils  
quade opinien van veel goede Dienaers vanden Lande  
hebben verweert) staet te verwachten/ sonder eenich profijt/  
ouer-sulcks heestmen het aennemen vande voorschreuen  
Commissien moeten redigeren *Latet munera necessaria* en-  
de alle die ghenen die eenich beleydt deser Landen hebben  
gesien/ connen getuygen wat swaricheden ende constrinc-  
tien sijn gevallen ende gebuycht/ omme de gecommitteer-  
de/ versochte ende ghebuychte personen tot de opgheleide  
Lasten te bewillighen.

Ende sijn de selue ghecommitteerden gehouden weder-  
kerende hare principalen te doen/ van alles goet getrouwe  
rapport.

Dit is t fundament vande Regieringe deser Landen van



Hollandt met Westbyerlandt ende Zeelandt/daer op den  
 staet der seluer Landen den tijt van vijf/ses/ seuen hondert  
 Jaren/ende soo langhe als de oudste monumenten strec-  
 kende sijn / heeft berust. Dit is oock (naest de hulpe van  
 Godt almachtich)igene/dat de selue in dit gebaerlijck ooz-  
 loch tegen so machighen vyant heeft ghelouden in goede  
 cloeckmoedicheptende eendracht/ sulcks dat gheduprende  
 desen oozlooge / noyt Lidt vande voorszreuen Lande an-  
 ders dan met t'wterste gewelt/van ons is geschuert / noyt  
 burgherij opzoerich / noyt gemuptincerde soldaten inden  
 Landen van Hollant oft Zeelant sijn bevonden/ daer van  
 wy naest Godt almachtige hant geent andere Redenen sou-  
 den connen geuen/dan dat in alles oprechtelijck/bypmoe-  
 delijck/Rijpelijck/ende met open dueren is gehandelt / tot  
 welken eynde is gebuert/ dat veele vande cleyne Steden/  
 oock diemen van ouden tijden ter verghaderinghe vande  
 Staten niet en plach te beschypen(immers alle de gene die  
 sulcks begeert hebben)inde vergaderinghe vande Staten  
 vyf seffte ende stemme is gegint/op dat een pegelijck t'be-  
 leyt der gemene Landts-saecten kennelijck zijnde/de laste  
 (die anders onverbzaechelijck schynen) niet goetwillicheyt  
 gedragen/ende de eenicheyt onuerbreckelijck onderhou-  
 den soude werden/tot welken eynde d'Edelen ende Ste-  
 den oock byghestaen heeft niet sulcken getale ende perso-  
 nen/van het Lichaem vande Voedtschappen wesende/ te  
 compareren/als hen goet dochte/Behoudelijck dat de per-  
 sonen by de Premleghten vande Landen niet en worden  
 wigheshoten.

Ingevalle nu yemant soude connen bewysen /dat onder  
 den Edelen ofte onder den ghenen die als ghedeputeerde  
 vanden Steden opte verghaderinghe vande Staten sijn  
 verschreuen/ yemant yet soude gehandelt hebben(des wy  
 niet en weten) anders dan inder vueghen als voorszreuen  
 is/ ende u conformite van sijnen last ende commissie/ den  
 seluen



seluen soude gehouden sijn t'allen tijden daer van booz syne  
principalen te verantwoorden/ ende by gebreecke bandien  
strafbaer sijn als naer rechten/ ende de gene die ter goeder  
trouwen arbeiden ont sulchs te openbaren / achten wy  
booz goede Liefhebbers des Vaderlands.

Maer de geene die de Staten bande Lande verachten  
de ende beschimpende hare actien/ calumnieren/ abuseren  
hen grotelijks/indien sy verstaen te doen te hebben mette  
personen bande Edelen ende gecommitteerde bande Ste  
den in haer perticulier/inghevalle sy niet met eenen en be  
wysen/dat niemant bande selue yet sonder last soude heb  
ben ghedaen/oft syne commissie geerredert. Ende hoe  
wel veel personen sulchs wt onwetenheyt en simpellheydt  
doende/t'selfde niet opt swaerste en wort afgenomen / So  
is nochtans secker / dat die gene die sulcx doen met goede  
kennisse ende wetenschap/sijn vyanden vanden staet ende  
Republijcke deser Landen / ende dat de selue daer mede  
niet anders connen booz-hebben / dan te ondergrauen de  
Fundamenten vanden huysse/ommet selue te doel storten/  
ende vervallen. So wel ten opsiene vanden Prince als van  
de ghemeente. Want wat is de macht van een Prince/son  
der goede correspondentie van syne ondersaten? Wat cor  
respondentie sal hy met hen houden/wat onderstant sal hy  
van hen trecken/indien hy hem daer toe laet brenghen/dat  
hy partijschap aenneemt tegen de Staten / die de gemeen  
ten Representeren/oste om eygentlijcker te spreken tegen  
sijn volck seluer : Ten anderen hoe can den staet vanden  
Lande bestaen/indien het geschiedde conde/dat de gemeen  
te so verre werde ghebracht/dat de selue partijschap anna  
men tegen de Staten/dat is tegens de Edelen Magistra  
ten ende Broederschappen vanden Steden/die haer booz  
standers ende wettelijke Magistraten sijn / die tot booz  
stante bande gemeente/doch den ondancck vanden Princen  
ende Gouverneurs dickwils int perticulier moede dragen.



Daeromme sullen alle redelijcke menschen claerlijck verstaen/dat den ghenen staet vanden Lande geen swaerder/schadelijcker noch dootlijcker vanden soudē mogē hebben / dan den genen die sich soudē formaliseren tegen den Staten vanden Lande int ghenerael. Maer sulcks en verstaen wy niet te wesen de gene/die soude connen bewysen tegen vemanden particulierlijcken/dat hy de commissie van synen principalen/op de vergaderinghe vanden Staten comparerende/soude hebbē geexcedeert/als voorszreuen is/ ofte oock andersins hen soudē hebben ontgaen.

Hieromme sal een peggelijck ghelieuen te verstaen/dat die gene die verclaren de Souverainiteyt der Landen te wesen byden Staten / sy niet en verstaen daer mede te spreken van eenighe particuliere personen ofte gecommitteerde int particulier / maer van hare principalen/te weten/die Edelen ende Steden vanden Lande /die sy wt crachte van hare Commissien Representeren/ t welck verscheyden Princen ende Potentaten / ende oock hare Maesteyt van Engelandt mette ghenerale Staten tracterende / ende syne Ex<sup>e</sup> de Commissie als Gouverneur ghenerael vanden seluen ontfangende sulcks hebben verstaen ende by niemanden ter Werlde ghecontrouerteert mach werden.

Sonder dat wy comen gelouen/dat vemant meent met goet Fundament anders als nu te cunnen sustineren / ofte soude moeten volgen/dat d' Edelen/Magistraten ende Proetschappen vanden Steden/nu niet de selue macht en hadden opde exercitie vande Souverainiteyt/die de selue hebben gehad in voorszeden tyden/als vooren bewesen is/ ende oock hadden int tracteren met hare Maesteyt ende constitueren van t' Gouvernement van syne Ex<sup>e</sup>/ ofte andersins soude moeten in controuersie ghetrocken worden/  
niet



niet alleen de bestendicheyt vande tractatē met hare Ma-  
iesteyt Commissie ende Gouernement van syne Ex-  
maer alle t'ghene de Staten tzedert den tijdt van vijftien  
Jaren tot hare defentie hebben ghedaen / t'welck alleen  
twerck is vander Landen Opanden.

Mits allen twelcke wy claerlijc ende genoegsaem ach-  
ten bewesen te sijn / hoe noodich de auctoriteyt vanden  
Staten dient gheconserueert / als wesende het fundament  
daer op den gemeenen stant vanden Lande is berustende /  
t'welck sonder de Ruyne vande ghemeene saecke niet en  
mach werde gecrencht / ende dat de Souerainiteyt van  
den Lande is byden Staten in alle saecken / niet min als  
die gheweest is byde voorzghaende Princen deser Landen.  
Aldus gearresteert inde Hage / den xvj. Julij / Ende is als  
noch geresolueert / dat daer van ouerleueringhe sal werden  
ghedaen. Ghedaen tot Haerlem / den xvj. Octo-  
bris 1700. Seuenentachtich. Onder stont gheschreuen:  
Ter ordonnantie vanden Staten van Hollandt, On-  
dergheteyckent.

C. de Rechtere,





interfession de la mort de l'homme qui a été  
sacré & consacré par le saint esprit  
dans le sacrement de l'eucharistie. Le saint  
esprit est le don de Dieu qui est donné  
à l'homme par le sacrement de l'eucharistie.

Le saint esprit est le don de Dieu qui est  
donné à l'homme par le sacrement de  
l'eucharistie. Le saint esprit est le don  
de Dieu qui est donné à l'homme par  
le sacrement de l'eucharistie. Le saint  
esprit est le don de Dieu qui est donné  
à l'homme par le sacrement de l'eucharistie.  
Le saint esprit est le don de Dieu qui  
est donné à l'homme par le sacrement  
de l'eucharistie. Le saint esprit est le  
don de Dieu qui est donné à l'homme  
par le sacrement de l'eucharistie. Le  
saint esprit est le don de Dieu qui est  
donné à l'homme par le sacrement de  
l'eucharistie. Le saint esprit est le don  
de Dieu qui est donné à l'homme par  
le sacrement de l'eucharistie. Le saint  
esprit est le don de Dieu qui est donné  
à l'homme par le sacrement de l'eucharistie.

de la mort.

